

叙

隨息居士當昇平盛世生長杭垣不幸失怙幼自知無應世才而

以潛齋名其或謂甘自廢棄而以癡目之因自號半癡山人嘗刊潛

齋醫叢書學十種問世年未五十忽絜兩弟携一硯以歸籍然

貧無錙地賃屋而居或問故曰余繼先人志耳乃顏其草堂

曰歸硯輯歸硯錄以見志藉硯遊吳越間哺其家口洎庚申

之變或招遊甬越辭不往辛酉秋勢日蹙不克守先人邱壟

始別其兩弟携妻孥棲於濮院人視之如野鶴聞雲而自傷

孤露四十年值此亂離匪定題所居曰隨息且更字夢隱草

隨息居飲食譜以寓感慨迨李冬杭垣再陷悠悠長夜益覺

難堪、今春急將三四兩女、草草遣嫁、夏間避地申江、妻孥踵至、僦屋黃歇浦西、仍曰隨息居、略識顛末、俾展卷而知隨處以息者、即半癡山人、身不能潛、硯無所歸之、華胥小隱也、

序

經云人之傷於寒也、則為病熱、蓋六氣之邪、都從火化、外感之病、雖有因寒因熱之分、而熱者較多、霍亂不過外感之一症、其中亦有寒有熱、初非專屬於寒也、特以其來太驟、擬議不及、

辨症稍疏、生死立判、視傷寒溫暑尤難措手、昧者乃專執
桂附一方統治一切霍亂、不亦僥乎、夢隱向有霍亂論
之刻、久已風行、近又重加編訂、益為詳備、蓋深疾偏執一
方以治百病之弊、故不辭痛切言之如此、讀者顧疑其偏用
寒涼、未免以詞害意矣、昔涇溪作慎疾畧言、而自論之曰、
有疑我為專用寒涼攻伐者、不知此乃為誤用溫補者戒、非
謂溫補概不可用也、諒哉斯言、請以移贈夢隱、此書可乎、
同治癸丑正月烏程汪曰楨

重訂霍亂論者、以道光間、嘗草霍亂論於天台道上、為海豐張
柳吟先生閱定、同郡王君仲安梓以行世、蓋二十餘年矣、板存
杭會諒化叔、咸豐初元、定州楊素園先生、又與王氏醫案十
卷、合刻於江西、不知其板尚存否、今避亂來上海、適霍亂大行、
司命者罔知所措、死者實多、元和金君簠齋、仁心為質、惻然傷
之、徧搜坊間霍亂論、欲以弭亂、而不能多得、問余蹤跡、即來訂
交、始知其讀余書有年、神交已久、屬余重訂、以為登高之呼、余
自揣無撥亂才、方悔少年妄作之非、愧無以應也、踰兩月、簠齋

亦以此證遽逝尤愴余懷哲嗣念慈檢得轉筋證治遺書一冊
示余曰此先人丁巳年刊於姑蘇者今板已燬書亦無餘余讀
之簡明切當多采芻蕘洵可傳之作因歎簠齋韜晦之深竟不
余告也吳縣華君麗雲知余硯田蕪穢持家藏下巖青花石一
片見贈曰子將無意慰金君耶有意慰金君則重訂之舉曷可
以已乎余不能辭遂受其片石纂此以慰簠齋於地下非敢自
忘不武謂可以戡定斯亂也書成題曰重訂霍亂論首病情次
治法次醫案次藥方凡四篇同治建元壬戌閏月丙午華胥小
隱自記

霍亂括要 附錄

道光紀元。水運風木。司天相火在泉。夏秋霍亂大發。經云。必先歲氣。毋伐天和。爰引古方。擬撰七言。附以管見。爲司命者之一助。

蘭陵岳晉昌撰

暑溼風寒。飲食傷。三焦失道。夏秋行。厥陰風水。司天盛。濁氣清。陽亂胃腸。

夫六氣之邪。燥氣發霍亂少。風邪發霍亂輕。若暑火挾溼邪。爲熱霍亂。寒挾溼邪。爲寒霍亂。霍亂多兼飲食過飽。乃發。亦有觸穢惡發者。靈樞經曰。更實更虛。其氣乃居。食入則胃實而腸虛。食下則腸實而胃虛。若飲食多飽脹。則腸

胃俱實。氣閉不得升降。作吐瀉矣。

吐瀉轉筋手足寒。心煩熱渴。左金安。二苓滑澤分清濁。溫膽藿香嘔痞寬。

猝然痞痛。吐瀉轉筋而發霍亂者。多因清氣濁。氣亂於腸胃也。若腕痛者。病在上中焦。先嘔後瀉。若腹痛者。病在中下焦。先瀉後嘔。先轉筋後吐瀉者。輕。先嘔瀉後轉筋者。重。蓋霍亂症。手少陽三焦俱病。上焦不入則吐。飲食不納。中焦不運化則痞痛。下焦不分則大便瀉。小便不通。若吐瀉而手足溫。不渴兼太陰者。順。吐瀉而參蜩消渴。手足厥冷。兼厥陰者。險。吐瀉而煩渴腰痛。失音氣急。兼少陰者。危。至

於手掌紫冷。厥冷至肘膝。冷汗出。直視發呃。吐瀉。小便不通。煩躁氣急。脈微欲絕。或浮虛欲散。此三焦厥陰少陰俱病。逆症危急。凡治吐瀉轉筋。痞痛腸鳴。煩渴參蜩。睪陷失音。手足厥冷。爪紫。脈伏或微者。即用左金湯和陰陽。治嘔瀉。因川連入心胃。清暑除煩渴。治熱嘔瀉也。吳茱萸入肝腎。去寒降濁氣。除手足厥冷轉筋。右關尺瀉伏。治寒嘔瀉也。其黃連吳茱萸分兩。隨寒熱輕重配合爲要。合溫膽湯加藿香。通痞治嘔。再合猪苓湯去阿膠。加水通利小便止瀉也。井水河水各一杯。煎至一杯。分兩次服。服後毋多飲。多飲則連藥吐出。不得藥力矣。此夏秋霍亂症治法。若冬

令及春初霍亂症當示傷寒論霍亂門張長沙諸方治法也。

先針手紫木通經。暢痞分疎小便行。嘔瀉漸安。無喘躁。肢溫脈復。轉回春。

經經絡也。凡吐瀉轉筋。手爪紫甚者。手掌皆紫。內加水通。外當針刺通經血。以洩邪。凡治吐瀉法。當化滯通痞。以止嘔。分消利小便。以止瀉。先服藥。不嘔後。小便通利。則吐瀉止。手足厥冷。漸溫。六脈漸復。正回。卽生矣。雖吐瀉已止。而煩躁氣喘。爲暑邪未解。陰陽未和。有邪正兩脫之危。但盛夏霍亂。煩熱性躁者。日夜赤身不衣。當風而臥。則暑邪鬱。

悶無汗喘躁而危。又有恣飲冷水吐瀉不止。肢冷發呃。冷汗脈脫。則斃。至長夏吐瀉汗多。正氣易脫。深秋吐瀉汗少。伏邪難達。治當活變。

嘔瀉頻頻。語失音。肢寒煩渴。汗淋淋。沈微欲絕。浮虛散。救脫連苓四逆參。

霍亂吐瀉連次多不止。手足寒至肘膝。冷汗淋淋。指爪青白。目眶低陷。失音呃短。脈沈微欲絕。或浮虛欲散者。此三焦厥陰俱病。少陰逆症。更兼口渴煩躁。用茯苓四逆人參湯加川連。既濟法。冀幸服後身溫躁止。脈微續。轉細緩者。陽回卽生。若更兼微煩微渴者。用茯苓四逆加麥冬。冀幸

痞通嘔止瀉多空用枳芩連入理中瀉止痞堅頻嘔噦熱煩半
夏瀉心功

吐瀉轉筋諸症用左金合溫膽猪苓湯去阿膠加藿香水
通服後痞通嘔止而瀉多不止轉用理中加枳殼黃連茯苓
六一散治之若吐瀉轉筋諸症服左金溫膽複方後小
便長瀉止而痞悶煩熱嘔噦渴不止者轉用半夏瀉心湯
去棗加枳殼厚樸橘皮藿香竹茹治之

調和霍亂陰陽水汗少香薷呃柿下止渴蛔梅清暑土承先哲
治在靈通

吐瀉汗少加香薷吐瀉用鮮黃土清暑安蛔舌紅用鬱金

涼心營昏煩乃暑邪閉氣加鮮石菖蒲開心陽若呃加丁香柿蒂脘腹痛甚加延胡木香若消渴參蚘加烏梅若轉筋甚加木瓜但木瓜烏梅氣味酸收宜少用多則恐小便不利至於黃連湯加吳茱萸蘆根隨症參用瀉止嘔數日不止旋覆代赭湯或合左金或合溫膽每年氣運不同西北東南高卑不一必須靈通活變不可拘泥執一

左金湯方

川連

或生或炒隨酌

吳茱萸

湯製半夏

茯苓

陳皮

甘草

枳殼

竹茹

加藿香

猪苓湯方

猪苓 茯苓 滑石 澤瀉 去阿膠 加車前子 木通

半夏瀉心湯

加枳殼 厚樸 陳皮 藿香 竹茹 去大棗

理中湯方

應投理中四逆之症務宜加意審察

黨參

三錢

白朮 一錢

炙甘草

三分

乾薑

五分

茯苓

二錢

枳殼

一錢

川連

三分

茯苓四逆湯方

附片

八分

乾薑

三分

東洋參

一錢

炙甘草

三分

煩渴加川連

三分

口渴加麥冬

二錢

藿香左金丸方

藿香 五錢

吳茱萸 四錢

川連 三錢

鬱金 二錢

枳殼 二錢

厚樸 二錢

製半夏 二錢

砂仁 二錢

茯苓 二錢

猪苓 二錢

車前子 二錢

六一

散 三錢

共研細末香薷生薑木通各一兩煎湯滴丸每服一二

錢開水送下輕二服重加之

隨息居重訂霍亂論總目

病情第一

總義

熱證

寒證

治法第二

伐毛

取嚏

刮法

焯法

刺法

楊洗

治熱證

熨灸

治寒證

偵探

策應

紀律

守險

醫案第三

南鍼

夢影